



Na osnovu člana 9. Zakona o kantonalnim ministarstvima i drugim tijelima kantonalne uprave (Službene novine Srednjobosanskog kantona, broj: 8/03 i 14/03) te na osnovu Odluke Vlade Srednjobosanskog kantona o usvajanju programa korištenja sredstava, s kriterijima utroška sredstava, ostvarenih od koncesionih naknada iz nadležnosti Ministarstva poljoprivrede, vodoprivrede i šumarstva u 2024. godinu, broj: 01-11.7-1755/2024 od 29.02.2024. godine, Ministarstvo poljoprivrede, vodoprivrede i šumarstva Srednjobosanskog kantona objavljuje

**JAVNI POZIV
za odabir korisnika sredstava
ostvarenih od koncesionih naknada iz nadležnosti Ministarstva poljoprivrede, vodoprivrede i
šumarstva Srednjobosanskog kantona u 2024. godini**

PREDMET POZIVA

Objavljuje se javni poziv za dodjelu sredstava za finansiranje projekata u oblasti vodoprivrede i to:

- 1) Subvencija javnim preduzećima – poticaj vodoprivredi (interventna sredstva), u iznosu od **150.000,00 KM**
- 2) Tekući transferi neprofitnim organizacijama – poticaj vodoprivredi (interventna sredstva), u iznosu od **25.000,00 KM**
- 3) Tekući transferi neprofitnim organizacijama – poticaj vodoprivredi, u iznosu od **50.000,00 KM**
- 4) Tekući transferi pojedincima (interventna sredstva), u iznosu od **45.000,00 KM**
- 5) Kapitalni transferi javnim preduzećima – poticaj vodoprivredi (interventna sredstva), u iznosu od **229.331,00 KM**

Sredstva za ove namjene su predviđena Budžetom Srednjobosanskog kantona za 2024. godinu Ministarstva poljoprivrede, vodoprivrede i šumarstva i u skladu sa Odlukom o usvajanju programa korištenja sredstava, s kriterijima raspodjele sredstava, ostvarenih od koncesionih naknada iz nadležnosti Ministarstva poljoprivrede, vodoprivrede i šumarstva u 2024. godini broj 2024. godinu, broj: 01-11.7-1755/2024 od 29.02.2024. godine.

I. NAMJENA

Predviđena sredstva koristit će se za finansiranje projekata na području Srednjobosanskog kantona i to:

KORIŠTENJE PRIHODA

1. Finansiranje razvojnih projekata

- a) Izgradnje vodnih objekata i to: zaštitnih vodnih objekata, objekti za odvodnju i vodnih objekata za iskorištavanje voda na području Kantona;
- b) Održavanje vodnih objekata i to: zaštitnih vodnih objekata za zaštitu od voda i vodnih objekata za iskorištavanje voda na području Kantona;
- c) Revitalizacija izvorišta i toka voda koji su dati ili se mogu dati u koncesiju,

2. Finansiranje programa zaštite i unaprjeđenja okoliša

- a) Realizacija projekata ekološke zaštite flore i faune na i u predmetima koncesije u cilju ublažavanja negativnih posljedica nad predmetom koncesije izdavanjem koncesije;
- b) Izgradnja/sanacija javne lokalne putne infrastrukture u funkciji korištenja potencijalnog predmeta koncesije, I otklanjanja negativnih posljedica voda.

3. Finansiranje programa za istraživanje dobara koja su predmet koncesije

- a) Izrada projektno- tehničke dokumentacije za izgradnju ili održavanje i to: zaštitnih vodnih objekata, vodnih objekata za odvodnjavanje i vodnih objekata za iskorištavanje voda;
- b) Izrada studija o ekonomskoj opravdanosti dodjele koncesije,
- c) Finansiranje troškova izdavanja koncesije.

4. Finansiranje programa drugih namjena

- a) Edukatino-promocione aktivnosti po planu edukacija i promocijnih djelatnosti za period;
- b) Nabavka opreme za unaprjeđenje rada na poslovima realizacije poslova I zadataka određenih zakonom o koncesijama

II. PRAVO UČEŠĆA

Pravo na podnošenje projekata na osnovu objavljenog javnog konkursa iz oblasti vodoprivrede, te ostalih poslova i zadataka, imaju subjekti sa područja SBK i to:

- a) Jedinice lokalne samouprave i najniže jedinice lokalne samouprave (mjesne zajednice) koji će projekat realizirati na području Kantona;
- b) Javna preduzeća;
- c) Pojedinci;
- d) Neprofitne organizacije.

III. SADRŽAJ ZAHTJEVA ZA UČESTVOVANJE NA JAVNOM POZIVU

Zahtjev mora biti urađen sadržajno po traženim elementima i potrebnoj dokumentaciji ovisno o pojedinom projektu i to: Naziv projekta, **1.** Osnovni podaci podnosioca zahtjeva, **2.** Podaci o projektu, **3.** Period provedbe projekta, **4.** Područje provedbe projekta, **5.** Projekat finansiranja, **6.** Ekološki aspekti investicije, **7.** Ostale aktivnosti.

Uz ovaj zahtjev potrebno je dostaviti i obavezne priloge:

- 1) Uvjerenja o poreznoj registraciji (identifikacijski broj: ID broj);
- 2) Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu);
- 3) Uvjerenje od Porezne uprave Federacije BiH o izmirenju poreza i doprinosa (PIO/MIO i zdravstveno, sa brojem ili popisom osiguranih osoba za obveznika);
- 4) Izvještaj da uredno ispunjavaju obaveze iz svih prethodno zaključenih ugovora o finansiranju iz budžetskih sredstava, ukoliko su isti zaključeni, odnosno da su izvršili povrat dodjeljenih sredstava ukoliko je to zatraženo od relevantnih institucija;
- 5) Uvjerenje o izmirenim obavezama po osnovu PDV-a (ukoliko je po Zakonu o porezu na dodanu vrijednost u sistemu);
- 6) Rješenje o registraciji za obavljanje djelatnosti;
- 7) Kopija lične karte odgovorne osobe;

8) Kopija aktivnog bankovnog računa/potvrda iz banke.

1. Zahtjev za uključivanje u program

Pod pojmom Zahtjev za uključivanje u program podrazumijeva se uredno popunjen Obrazac „Zahtjev za uključivanje u program“.

Ukoliko Zahtjev za uključivanje u program nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

2. Obavezni prilozi

Pod ostalim priložima podrazumijevaju se oni prilozi koji se traže od podnosioca prijave, kojima podnositelj prijave dokazuje da li je kompetentan, pouzdan i da li redovno ispunjava svoje zakonske obaveze.

Prijave koje ne sadrže traženu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti stariji od 3 (tri) mjeseca od dana objavljivanja ovog poziva, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a.

IV. KRITERIJI ZA OCJENU PRIJAVE I IZBOR KORISNIKA

Komisija za razmatranje primljenih projekata na osnovu javnog poziva, vrednovanja primljenih projekata i sačinjavanja prijedloga odluke o dodjeli sredstava izvršit će ocjenu prijave i vrednovanje projekata na osnovu slijedećih kriterija:

OPŠTI USLOVI- eliminatorni uslovi

- a) potvrdu mjerodavne institucije o izmirenim poreskim obavezama i doprinosima ili sporazum sa nadležnom institucijom;
- b) da uredno ispunjavaju obaveze iz svih prethodno zaključenih ugovora o financiranju iz budžetskih sredstava, ukoliko su isti zaključeni, odnosno da su izvršili povrat dodjeljenih sredstava ukoliko je to zatraženo od relevantnih institucija;
- c) ID- poreski broj;
- d) rješenje o odavljanju djelatnosti;
- e) broj aktivnog bankovnog računa- original potvrda banke računa;
- f) pravovremeno dostavljen popunjen obrazac za prijavu programa- zahtjev

- Nepotpuna dokumentacija se neće uzimati u razmatranje i dalju obradu.

POSEBNI USLOVI-kriteriji za vrednovanje projekata sa bodovanjem

- g) efekti koji se postižu realizacijom projekta.....bodova 30
- h) stepen samofinansiranja.....bodova 20
- i) nova istraživanja.....bodova 20
- j) stepen zaštite okoliša.....bodova 30

VI-POSTUPAK

Ministarstvo je dužno formirati Komisiju za utvrđivanje javnog poziva.

Komisija je dužna programom dati zadatak, da obavi u roku koji nije duži od 20 dana od dana zatvaranja konkursa - javnog poziva.

Na bazi prikupljenih zahtjeva te programom i ovim pozivom definisanim kriterijima, komisija sastavlja prijedlog Odluke o dodjeli sredstava te uz izvještaj o radu prijedlog podnosi ministru na dalje postupanje. Odluku o dodjeli sredstava donosi Vlada Srednjobosanskog kantona i ista će biti objavljena u Službenim novinama SBK.

Broj prihvaćenih projekata – programa, te visina sredstava koja će se dati na raspolaganje korisniku, ovisit će isključivo od broja zahtjeva i visine planiranih sredstava.

VII-PREUZIMANJE POTREBNE DOKUMENTACIJE

Obrazac zahtjeva se može preuzeti elektronskim putem na web stranici Vlade SBK www.sbk-ksb.gov.ba ili u prostorijama Ministarstva poljoprivrede, vodoprivrede i šumarstva u Travniku, ulica Prnjavor 16 A svakim radnim danom u vremenu od 10-14 sati.

VIII-PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu:

Ministarstvo poljoprivrede, vodoprivrede i šumarstva SBK
Stanična 43
72270 Travnik

sa naznakom : „**NE OTVARATI – po javnom pozivu za odabir korisnika sredstava ostvarenih od vodnih naknada iz nadležnosti Ministarstva poljoprivrede, vodoprivrede i šumarstva Srednjobosanskog kantona u 2024. godine sa pozivom na broj: 06-21-1486/2024**

Rok za dostavu programa – projekata je 30 (trideset dana) od dana objave javnog poziva. Prijave primljene nakon isteka roka neće biti razmatrane.

IX-TROŠKOVI PROJEKTA – PROGRAMA

U postupku javnog konkursa Ministarstvo poljoprivrede, vodoprivrede i šumarstva ne snosi nikakve troškove učesnicima poziva, te zadržava pravo da prijavu prihvati u cijelosti, djelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora.

Ministarstvo poljoprivrede, vodoprivrede i šumarstva neće snositi nikakvu odgovornost prema učesnicima poziva, niti je obavezno objasniti razloge takve odluke. Prispjela dokumentacija neće se vraćati.

X. REKAPITULACIJA

Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava između pojedinih projekata u okviru ukupno planiranih sredstava na pojedinu JLS ili javna preduzeća, ukoliko se za to ukaže opravdana potreba.

XI. OSTALE ODREDBE

Sa kandidatima čije se prijave prihvate, Ministarstvo poljoprivrede, vodoprivrede i šumarstva će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe.

Sve dopunske informacije vezane za poziv mogu se dobiti svakim radnim danom putem telefona broj 030/ 511 – 218 od 12,00 do 15,00 sati ili e-mail: mpvs@sbk-ksb.gov.ba .

Sve procedure imenovanja i nadzora definisani su u Programu utroška sredstava vodnih naknada za 2024. godinu.

Ovoj poziv je dio Programa i kriterija utroška sredstava vodnih naknada za 2024. godinu.

Broj: 06-21-1486/2024

Travnik, 12.03.2024. godine


MINISTAR
Advan Akeljić, dipl.iur.